



Գործ թիվ ԵԴ/4579/02/23

Վ Ճ Ի Ռ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ**

28 մարտի 2023թ.

ք. Երևան

**Հայաստանի Հանրապետության Երևան քաղաքի առաջին ատյանի ընդհանուր իրավասության քաղաքացիական դատարանը (այսուհետ նաև՝ Դատարան)**

**նախագահությամբ դատավոր՝**

**Տ. Գրիգորյանի**

քարտուղարությամբ՝  
մասնակցությամբ՝  
հայցվորի ներկայացուցիչ՝  
պատասխանողի ներկայացուցիչներ՝

Ա. Մարաբյանի

Հ. Եգոյանի

Ն. Այվազյանի,

Ռ. Մեիրաբյանի


Քննելով քաղաքացիական գործն ըստ հայցի «ՍՏՐՈՅ ԳՐՈՒՊ» ՍՊԸ-ի (այսուհետ նաև՝ Հայցվոր) (գրանցման համար 52.110.1212819, ՀՎՀՀ 04240007, հասցե՝ ՀՀ, Արարատի մարզ, ք. Արտաշատ, Շահումյան փ. շ. 7/33) ընդդեմ «Հայաստանի ազգային պոլիտեխնիկական համալսարան» հիմնադրամի (այսուհետ նաև՝ Պատասխանող) (հասցե՝ ք. Երևան, Տերյան 105)՝ «ՍՏՐՈՅ ԳՐՈՒՊ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին «Հայաստանի ազգային պոլիտեխնիկական համալսարան» հիմնադրամի ռեկտորի 14.09.2022թ. որոշումն անվավեր ճանաչելու վերաբերյալ,

**Պ Ա Ր Ձ Ե Ց**

**1. Գործի դատավարական նախապատմությունը.**

Հայցվոր «ՍՏՐՈՅ ԳՐՈՒՊ» ՍՊԸ-ի ներկայացուցիչ Գ.Ռուբենյանը հայցադիմում է ներկայացրել Դատարան ընդդեմ «Հայաստանի ազգային պոլիտեխնիկական համալսարան» հիմնադրամի՝ «ՍՏՐՈՅ ԳՐՈՒՊ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին «Հայաստանի ազգային պոլիտեխնիկական համալսարան» հիմնադրամի ռեկտորի 14.09.2022թ. որոշումն անվավեր ճանաչելու վերաբերյալ:

Դատարանը 20.02.2023թ. որոշում է կայացրել հայցադիմումը վարույթ ընդունելու, գործը դատական նիստում քննելու մասին միջնորդությունը մերժելու, ապացույց պահանջելու և եզրափակիչ դատական ակտի հրապարակման օր նշանակելու մասին:



Ելնելով վերոգրյալից և ղեկավարվելով ՀՀ քաղաքացիական օրենսգրքի 198-րդ հոդվածով, Դատարանը.

### Վ Ճ Ո Ւ Յ Ց

<<ՍՏՐՈՅ ԳՐՈՒՊ>> ՍՊԸ-ի հայցն ընդդեմ <<Հայաստանի ազգային պոլիտեխնիկական համալսարան>> հիմնադրամի՝ գնումների գործընթացին մասնակցելու իրավունք չունեցող մասնակիցների ցուցակում ներառելու մասին <<Հայաստանի ազգային պոլիտեխնիկական համալսարան>> հիմնադրամի ռեկտորի 14.09.2022թ. որոշումն անվավեր ճանաչելու վերաբերյալ, բավարարել:

<<Հայաստանի ազգային պոլիտեխնիկական համալսարան>> հիմնադրամի ռեկտորի 14.09.2022թ. որոշումը ճանաչել անվավեր:

<<Հայաստանի ազգային պոլիտեխնիկական համալսարան>> հիմնադրամից հօգուտ <<ՍՏՐՈՅ ԳՐՈՒՊ>> ՍՊԸ-ի բռնագանձել 50.000 ՀՀ դրամ, որպես բավարարված հայցապահանջին համարժեք նախապես վճարված պետական տուրքի գումար:

Դատական ծախսերի հարցը համարել լուծված:

Վճիռը կամովին չկատարելու դեպքում այն կկատարվի հարկադիր կատարումն ապահովող ծառայության միջոցով՝ պարտապանի հաշվին:

Վճիռն օրինական ուժի մեջ է մտնում հրապարակման պահից և կարող է հրապարակվելու օրվանից մեկամսյա ժամկետում բողոքարկվել ՀՀ վերաքննիչ քաղաքացիական դատարան:

ԴԱՏԱՎՈՐ՝

Տ. ԳՐԻԳՈՐՅԱՆ

